



თქვე წულუკიანი „რეზბალნიცას“ აუქმებს?!

250 მედპერსონალი მუშაობდა, მხოლოდ 30 დატოვა. ენ. რეზბალნიცაზე ამჟამად მხოლოდ ორი განყოფილება ფუნქციონირებს, მიმღები და ფსიქიატრიული



ნონა ცაბაძე

კორონავირუსმა მოსახლეობა უმძიმეს სიტუაციაში ჩააგდო. ადამიანების დიდმა ნაწილმა სამსახური დაკარგა. პრემიერ-მინისტრი აცხადებს, რომ მაქსიმალურად უნდა ეცადოს ყველა სამუშაო ადგილის შენარჩუნებას, რომ ის თავად გააკონტროლებს ამ პროცესს. ამ ფონზე კი რა ხდება?! ვიცებრემიერი თქვა წულუკიანი თანამშრომლებს სამსახურიდან უშვებს.

„ოცნებასთან“ დაახლოებულმა წყარომ მოგვანოდა ინფორმაცია, რომ იუსტიციის მინისტრმა თქვა წულუკიანმა გლდანის მე-8 დაწესებულების „რეზბალნიციდან“ თანამშრომლების 80% გაუშვა. როგორც წყარო გვუთხრებს, იქ დაახლოებით 250 მედპერსონალი მუშაობდა და აქედან მხოლოდ 30 დატოვა. გლდანის ენ. რეზბალნიცაზე ამჟამად მხოლოდ ორი განყოფილება ფუნქციონირებს, მიმღები და ფსიქიატრიული. სხვა ყველა განყოფილება გაუქმებულია. საინტერესოა, სად მიჰყავს მინისტრ წულუკიანს ის პატიმრები, რომლებსაც სამედიცინო დახმარება ესაჭიროებათ?!

„ახალი თაობა“ ინფორმაციის გადასამოწმებლად უფლებამოსილია ასოციაციის თავმჯდომარე ნიკოლოზ მჭავანაძეს დაუკავშირდა. — **ბატონო ნიკოლოზ, სანდო წყარომ მოგვანოდა ინფორმაცია, რომ თქვე წულუკიანმა გლდანის მე-8 დაწესებულების ენ. რეზბალნიციდან თანამშრომლების 80% გააშვა. როგორ ვიცით, თქვენი ერთი მშობელიც იქ მუშაობდა. რა ინფორმაცია გაქვთ?** — ამის შესახებ დეტალური ინფორმაცია არ მაქვს. გადაჭრით არაფრის თქმა არ შემიძ-



ლია. კორონავირუსის გამო, მას შემდეგ, რაც კარანტინი გამოცხადდა, პატიმრებს ვეღარ ვნახულობთ, ვეღარც ციხეში მივდივართ, ამიტომ ასე გადაჭრით არაფრის თქმა არ შემიძლია. პოლიციიდან რომ გაუშვეს ხალხი, ზუსტად ვიცი, მაგრამ გლდანის „რეზბალნიციდან“ რატომ გაუშვეს, ეს ვიცი.

— **პოლიციიდან გაუშვეს?** — კი, გაუშვეს. გლდანის ამბავზე ვერაფერს ვეტყვი, რადგან შეხება არა მაქვს. — **ყველა განყოფილება გააუქმეს, მხოლოდ მიმღები და ფსიქიატრიული დატოვეს. რატომ მიიღეს ეს გადაწყვეტილება?** — რადგან გავრცელდა ეს ინფორმაცია, ალბათ სიმართლეა, თუმცა ჩემთვის დეტალები არ არის ცნობილი. — **იმ ფონზე, როცა ქვეყანაში ასეთი კრიზისია, როდესაც პრემიერი აცხადებს, მაქსიმალ-**

ლურად შევინარჩუნოთ სამუშაო ადგილები, ვიცებრემიერი წულუკიანი ასეთ გადაწყვეტილებას რატომ იღებს? ეს რამდენად გამართლებულია?

— არ ვიცი, რა მიზანს ემსახურებოდა. ვიცი, რომ პოლიციიდან რეორგანიზაციის შედეგად გაათავისუფლეს ადამიანები.

— **ასეთ დროს საკმაოდ მძიმე გადაწყვეტილებაა...**

— კი, ასეა, მაგრამ, საინტერესო ის არის, ამ ყველაფერს წინ სხვა მოვლენები ხომ არ უსწრებდა.

— **რას გულისხმობთ, რა მოვლენები?**

— აჯობებს, გამოვიდეს ხელისუფლება და ახსნა-განმარტებები გააკეთოს, რატომ და რისთვის მიიღეს ეს გადაწყვეტილება. მაინც ვერ დაიმალება. ისინი, ვინც გაათავისუფლეს, ხომ ალაპარაკდებიან?! ამ დროს სამსახურის შოვნა ძალიან რთულია. ალბათ, ალაპარაკდება ეს ხალხი.

— **ეს სულ ახალი ინფორმაციაა. ალბათ, თანამშრომლები გააკეთებენ განცხადებას, რა მოხდა...**

— კი, ასე იქნება. დღეს ძალიან მძიმე პერიოდია უფასო არა მარტო ქვეყანას, არამედ ამ ხელისუფლებასაც, იმიტომ, რომ ყველაზე რთული კორონავირუსთან ბრძოლა კი არა, შემდეგი პერიოდი იქნება. თუ როგორ გამოვა ქვეყანა ამ კრიზისიდან. ისედაც ცუდი ეკონომიკა ჰქონდა ამ ქვეყანას და კიდევ უფრო დასუსტდება. არ ვიცი, რა ნაბიჯი იქნება, ეს კადრების ოპტიმიზაციის კუთხით კეთდება, შიგნიდან იყო რაღაც პრობლემები თუ სხვა რამ, სწორედ ეს არის გასარკვევი. ციხეში რომ ვერ შევდივართ, ინფორმაციები არ გვაქვს. ადვოკატებს მინიმალური შეხება გვაქვს პატიმრებთან.

— **პატიმრებიც ხომ რთულ მდგომარეობაში აღმოჩნდებიან, რამდენს სჭირდება ექიმო,**



მკურნალობა...

— პატიმრები სამკურნალოდ კლინიკებში გადაჰყავთ ხოლმე.

— **რა გამოდის, ეს ენ. რეზბალნიცა აღარ იყო საჭირო?**

— რას ამბობთ, როგორ არ არის საჭირო. კლინიკებში ოპერაციების დროს გადაჰყავთ. რეზბალნიცა რომ ციხეში არ იყოს, წარმოუდგენელია. ასეთ გადაწყვეტილებას ვერავინ მიიღებს, გამორიცხვლია. უნდა ითქვას, რა იყო ასეთი მძიმე გადაწყვეტილების მიღების მიზეზი. იქნებ რამე შეთქმულება იყო ან პროვოკაცია. რადგან ამდენი ხალხი გაუშვეს, იქნებ ინფორმაცია ჰქონდათ, რომ რაღაც იგეგმებოდა. პოლიციიდან რომ ნამდვილად გაუშვეს თანამშრომლები, ზუსტად ვიცი. რადგან პოლიციიდან გაუშვეს, არ არის გამორიცხვლი, სხვა ძალოვანი უწყებებიდანაც გაუშვეს თანამშრომლები, მოხდეს რეორგანიზაცია. წესით, ამაზე განცხადებას თავად გააკეთებენ.

„გახარია, თუ კარგ ეკონომისტებს დაუჯერებს, ქვეყანას კრიზისიდან გამოიყვანს“



ნონა ცაბაძე

ქვეყანაში მიმდინარე მოვლენების შესახებ „ახალი თაობის“ კითხვებს უფლებამოსილია შალვა ხაჭაპურიძე პასუხობს.

— **ბატონო შალვა, ბოლო პერიოდში ხშირად გვესმის შეფასებები, რომ ხელისუფლებას საკმაოდ მკაცრი შეზღუდვები აქვს დაწესებული, რომ ადამიანებს სერიოზული პრობლემები ექმნებათ და ირღვევა მათი უფლებები. რას იტყვით თქვენ, როგორც უფლებამოსილი?**

— სამართლებრივად თუ მიუხედავად, საგანგებო მდგომარეობის დროს ბევრი კონსტიტუციური უფლება იზღუდება, გინდა არ გინდა. რა თქმა უნდა, დისკომფორტი არის, თუმცა, როცა სხვა გზა არ გვაქვს, კანონს უნდა დავემორჩილოთ.

სასამართლო მოახერხა დისტანციურ რეჟიმზე გადასვლა. თუ ვედრებით სხვა ქვეყნებს, მაგალითად, გერმანიას, მას ასეთი მკაცრი შეზღუდვები არ დაუწესებია. გერმანიას გამართული ჯანდაცვა აქვს და ის ადვილად გაართმევს თავს, ხოლო ჩვენსაირი ტიპის სახელმწიფოებს თუ შევედრებით, იქ საკმაოდ მაღალია გარდაცვლილთა რიცხვი. ამ შემთხვევაში ოპოზიციას ვერ დავეთანხმები და ვიტყვი, რომ საგანგებო მდგომარეობა გამართლებული იყო, უფრო მეტიც, აშკარად ჩანდა, რომ ხშირ შემთხვევებში გახარია ექიმებს უჯერებდა.

— **დიდი ქალაქების დაკეტვა გამართლებულია? ეს მოსახლეობას სერიოზულ პრობლემებს უქმნის.**

— ვფიქრობ, გამართლებულია. იმ შეზღუდვების მიუხედავად, სოფლებში ადგილობრივი უკონტროლო სიტუაცია იყო. არავინ იცავდა დისტანციას. კი, საფლავებზე გასვლა აუკრძალეს, მაგრამ სახლებში გაშალეს უზარმაზარი სუფრები. ამიტომ ასეთ შემთხვევაში ვთქვამ, რომ გამართლებულია ის, რაც ხდება. საეარაუდოდ, ეს შეზღუდვები იკისის შუა რიცხვებამდე შენარჩუნდება.

— **ეკონომიკა რომ ძალიან ცუდ დღეშია? ამდენი ადამიანი უმუშევარია. ამბობენ, რა მნიშვნელობა აქვს, შიმშილით დავიოცდებით თუ კორონავირუსით.**

— უნდა დაუბრუნდნენ სოფლებს. მთელ დღეს რომ ელიაგზე ატარებდნენ და ხან ჰქონდათ სამუშაო და ხან არა, ერთ პატარა ოთახში 12 კაცი რომ ცხოვრობდა ერთად ნაქირავებში, მისელონ სოფლის მეურნეობას.

— **დღეს ეს შეზღუდვები აბსოლუტურად სწორია. გავიხსენოთ სააკაშვილის**

შალვა ხაჭაპურიძე: „ოპოზიციამ თავისი ნიშა ვერ იპოვა“

დრო, ბევრ რამეზე მოუჭირა მაშინდელმა მთავრობამ ხელი და ყველაფერს ემორჩილებოდა ხალხი. დღეს ყველა ძველი ბიჭი გახდა. ადვოკატი ვარ და კარგად მახსოვს, ეს ენ. ძველი ბიჭები იმ დროს ციხის საკნებში რა დღეში იყვნენ.

1. დაინფიცირებულ ადამიანს 20-25 ადამიანის დაინფიცირება შეუძლია. ვერ გაუძლებს ამხელა დაწოლას ჩვენი ჯანდაცვა! დღეს ხელისუფლება დგას სერიოზული ამოცანის წინაშე, როგორ გამოვიდეს ეკონომიკური კრიზისიდან. ძალიან ბევრი ემიგრანტი დაბრუნდა და, კარგი იქნება, თუ სახელმწიფო ისეთ პირობებს შეუქმნის მათ, რომ აქედან აღარ წავიდნენ.

— **შეძლებს ქვეყანა ამდენი ადამიანის დასაქმებას, აქვს ამის რესურსი?**

— თუ გახარია ისევე დაუჯერებს კარგ ეკონომისტებს, როგორც ამ შემთხვევაში გამოცდილ ექიმებს უჯერებს, მაშინ არის შანსი, რომ ქვეყანა ღირსეულად გამოვიდეს ამ სიტუაციიდან. შეუძლებელი არაფერია.

— **დღეს ხელისუფლება მომგებიან სიტუაციაშია, ქულებს ინერსი, მოიმატა მისმა რეიტინგმა, ოპოზიციას კი არანაირი აქტიურობის საშუალება არ ეძლევა. რას იტყვით თქვენ?**

— რატომ არ ეძლევა ოპოზიციას აქტიურობის საშუალება, ვინ უშლის, რომ რამე გააკეთოს?! მაგრამ, რა უნდა გააკეთოს ამ პანდემიის პირობებში?! ოპოზიციამ უნდა გააგრძელოს ხელისუფლების კრიტიკა, მიუთითოს შეცდომებზე. ოპოზიციამ თავისი საქმე უნდა აკეთოს. რაც შეეხება პოსტულატს, რომ „ქართული ოცნება“ მომგებიან პოზიციაშია, ეს, დღეის მდგომარეობით, ასე ჩანს, მაგრამ, საბოლოო ჯამში, ხელისუფლება რა მდგომარეობაში ჩავარდება, ამის თქმა ჯერ ნაადრევია. ეს გამოჩნდება ზაფხულში.

სწრაფად უნდა აკეთოს ხელისუფლებამ საქმე, სწრაფად უნდა განავითაროს სიტუაცია, რადგან ცოტა დრო აქვს. ოქტომბერში უკვე არჩევნებია. ამიტომ ეს დრო იქნება მისთვის გადამწყვეტი. თუ



ხელისუფლება ამ დროში სიტუაციას ვერ გამოასწორებს, მაშინ სერიოზული პრობლემების წინაშე აღმოჩნდება. აი, მერე უკვე ოპოზიციას სათქმელი ექნება.

— **მერე ოპოზიცია გადავა მომგებიან სიტუაციაში?**

— ოპოზიციასაც გააჩნია. ყველამ კარგად ვიცით, როგორი ოპოზიცია გვყავს. დღეს ხელისუფლებაზე მეტად ოპოზიციას უჭირს. ოპოზიციამ რატომღაც ვერ დაიჭირა თავისი ნიშა. იქ ისეთი კატეგორიის ჯგუფებია თავმოყრილი, რომლებსაც კარგი წარსული არა აქვთ, ხოლო ახალი ოპოზიციური ძალები გამოსვლას წინა პლანზე

ხელს უშლიან როგორც ხელისუფლება, ისე არსებული ოპოზიცია. ამიტომ ვერ გაჩნდა ისეთი ძალა, რომელსაც ხალხის ნდობა ექნება.

დღეს არ არის ქვეყანაში ისეთი ძლიერი ოპოზიციური ძალა, როგორიც ივანიშვილმა 2011 წელს შექმნა, თან, რაც მთავარია, დღეს ოპოზიციაში ნამყვანი ძალა არის ნაციონალური მოძრაობა. დანარჩენები სერიოზულ ძალებს არ წარმოადგენენ. ნაციონალური მოძრაობის სტაბილურად თავისი ამომრჩეველი ჰყავს, რომელსაც არ კარგავს. თუ პანდემიის პირობებში ხელისუფლება ვერ გააძლიერებს თავის პოზიციებს და კრიზისიდან ღირსეულად ვერ გამოიყვანს ქვეყანას, მაშინ ნაციონალური მოძრაობის ამომრჩეველთა რიცხვი უფრო გაიზრდება. ამ ყველაფერს მივუმატოთ მისილ სააკაშვილის მოქმედებები უკრაინაში.

— **ეს რა კავშირშია ამ ყველაფერთან?**

— მართალია, სააკაშვილის კანდიდატურა ამ ეტაპზე გამოწვეულ იქნა, მაგრამ ზელენსკის ამ მოქმედებამ სააკაშვილი უფრო მომგებიან პოზიციაში ჩააყენა და, იქაურ მიმოხილვას თუ გადავხედავთ, სააკაშვილი დასავლეთ უკრაინის ოპოზიციონერ ლიდერად ყალიბდება. თუ სააკაშვილი თავის პოზიციებს გაამყარებს და განსაკუთრებით — სახელისუფლებო სტრუქტურებში, ეს ნაციონალური მოძრაობის ამომრჩეველთა რაოდენობას აქ გაზრდის.

— **ანუ „ოცნებაზე“ დამოკიდებული, თუ როგორ გამოვა ამ სიტუაციიდან და ეს გადაწყვეტს არჩევნების ბედს?**

— კი, ასე იქნება. თუ ხელისუფლება დააღწევს თავს ამ კრიზისს, ის 40-45%-ს აიღებს და მას ამაზე აქვს გათვლა. რამდენიმე პარტია სიახლოვეთ მოინდომებს მასთან თანამშრომლობას და შექმნის კოალიციურ მთავრობას.

დასავლეთიც სწორედ ამას ითხოვს მისგან. ჯამში კი გამოვა ის, რომ „ქართული ოცნება“ ხელისუფლებაში დარჩება, თუმცა, ნურც ის დაგავიწყდება, რომ წინ ძალიან დიდი გამოწვევები აქვს.



ახალი თაობა
გამოცემის
1993 წლის
23 იანვარიდან

მთავარი რედაქტორი — სოლო გოგინაშვილი
რედაქტორი — ლალი ასლანიშვილი

საფინანსო სამსახური — ვლადიზლავი
სარედაქციო სამსახური — 599-532-690

დირექტორი — ზურაბ ბერიძე
გარეკანების სამსახური — მერაბ ლევინაშვილი

რედაქციაში შემოსული მასალები არ რეცენზირდება და ავტორებს არ უბრუნდება. რედაქციის თანხმობის გარეშე გაზეთში დაბეჭდილი მასალების, სურათების და სარეკლამო განცხადებების სრული ან ნაწილობრივი გამოყენება აკრძალულია. სტატიაში გამოყენებული მასალების სიზუსტეზე პასუხს აგებს ავტორი. საავტორო უფლებები დაცულია.

მისამართი: ქ. თბილისი, ჩუბინაშვილის ქ. №50, მ-3 სართული.

ტელეფონი: 599-532-690

ვებგვერდი: www.akhaltoba.ge

ელ.ფოსტა: axtoba@mail.ru



ნიკა ჩიტაძე: „ოცნება“ არჩევნებს ყველი სისტემით ჩაატარებს

„ხელისუფლება შეეცდება, პოლიტპატიმრები არ გაათავისუფლოს“



იაგო ნაცვლიშვილი

კორონავირუსთან დაკავშირებულმა პრობლემებმა პოლიტიკაში კორექტირება შეიტანა. ოპოზიციამ შედარებით გაქრა პოლიტიკური დღის წესრიგიდან, მთავარ აქტორად კი ხელისუფლება მოგვევლინა. არაერთი მოწოდება გააკეთდა ხელისუფლების მიმართ, რომ რაღაც ფორმატი შედგეს, რათა არსებული პრობლემების განხილვა საერთო ფორმატში მოხდეს და მოხერხდეს იდეების კონსოლიდაცია, თუმცა ამ წინადადებებს ხელისუფლება არ იმჩნევს.

რა მიზანი აქვს ამ პროცესში ხელისუფლებას და ხომ არ ჩნდება რისკი, რომ არ შესრულდეს მარტში მიღწეული შეთანხმება, რაც გულისხმობს საკონსტიტუციო ცვლილებებს საარჩევნო საკითხებთან დაკავშირებით და პოლიტპატიმრების გათავისუფლებას? – ამ და სხვა საინტერესო საკითხებზე „ახალ თაობასთან“ ინტერვიუში პოლიტოლოგი ნიკა ჩიტაძე საუბრობს.

– ოპოზიციამ დღის წესრიგიდან, ფაქტობრივად, გამქრალა. ცალკეული პოლიტიკოსები სთავაზობენ ხელისუფლებას სხვადასხვა ფორმატის შექმნასა და მსჯელობას იმ ფორმატში, თუმცა რეაგირება არ ჩანს. ეს იმასაც ხომ არ უკავშირდება, რომ ხელისუფლების ინტერესებშია, მხოლოდ თვითონ იყოს დღის წესრიგში?

– კი, ჩემი აზრით, ხელისუფლებას გარკვეულწილად სურს, თვითონ იყოს წარმოდგენილი მოსახლეობის წინაშე, როგორც კორონავირუსის წინააღმდეგ მთავარი მეტროპოლი პოლიტიკური ძალა. აქედან გამომდინარე, ხელისუფლება ყველანაირად ცდილობს იმის დემონსტრირებას, რომ კოვიდ 19-თან ბრძოლა საქართველოში წარმატებით მიმდინარეობს და საქართველომ თავიდან აიცილა ის მსხვერპლი, რომელსაც ადგილი ჰქონდა ევროპის წამყვან სახელმწიფოებსა თუ აშშ-ში. მას უნდა წარმოაჩინოს, რომ ეს არის ხელისუფლების მიერ გატარებული ზომების შედეგი.

– ამით არის გამომწვეული ის, რომ პარლამენტი, ფაქტობრივად, აღარ ფუნქციონირებს?

– შესაძლებელია ითქვას, რომ ძირითადი ყურადღება კორონავირუსზეა გადატანილი, თუმცა, იმედია, პარლამენტს მაინც მოუწევს ფუნქციონირება და, სანამ საზაფხულო არ დადგება და –

ინყება, მოუწევს შესაბამისი ცვლილებების შეტანა საქართველოს კონსტიტუციაში, რომელიც ეხება საარჩევნო კანონმდებლობას.

– იმის რისკსაც ხომ არ ხედავთ, რომ ამ ფონზე შესაძლოა დაყოვნდეს ეს პროცესი და ის რისკიც ხომ არ ჩნდება, რომ ისევ ძველი სისტემით ჩაატარონ არჩევნები?

– კი, ეს გახლავთ მოვლენათა განვითარების ყველაზე უარესი სცენარი. პესიმისტური სცენარის მიხედვით ასეა და არ გამოვრიცხავ ამ სცენარსაც, რომ ამ ვითარებაში ხელისუფლებამ თქვას, რომ ვერ მოგროვდა პარლამენტართა შესაბამისი რაოდენობა, რომლებიც მხარს დაუჭერდნენ კონსტიტუციაში ცვლილებების შეტანას და თქვას, ამ ვითარებაში ჩვენ რა გავაკეთოთ, ისარგებლოს იმით, რომ დღეს საერთაშორისო თანამეგობრობის ყურადღება გადატანილია სწორედ კორონავირუსთან ბრძოლის საკითხებზე.

მაგრამ, მეორე მხრივ, არის ოპტიმისტური სცენარიც – ხელისუფლებას მაინც მოუწევს დასავლეთის მოსაზრებებისა და პოზიციების გათვალისწინება, იმიტომ, რომ გარკვეულწილად ვიცით, ხელისუფლება დიდწილად არის დასავლეთის დახმარებაზე დამოკიდებული.

თავის დროზე დასავლეთის მხრიდან არ იყო ისეთი ზეწოლა, როდესაც პარლამენტმა საკონსტიტუციო ცვლილებების თაობაზე კანონპროექტი ჩააგდო. დღეს სხვა ვითარებაა მაინც. კი, შესაძლოა, ვიღაცები ცდილობენ, ისარგებლონ კორონავირუსთან დაკავშირებული პრობლემებით, მაგრამ, მე მაინც მგონია, რომ უფრო რეალისტური მოვლენათა განვითარების მეორე სცენარია და ხელისუფლება იძულებული იქნება, დასავლეთის პოზიცია გაითვალისწინოს, მით უმეტეს მაშინ, როდესაც კორონავირუსთან დაკავშირებული საკითხების დაძლევაში ხელისუფლება დიდწილად არის დამოკიდებული დასავლეთის ქვეყნებიდან და საერთაშორისო საფინანსო ინსტიტუტებიდან გამოსაყოფ თანხებზე.

– თუ ხელისუფლება ამგვარ გადაწყვეტილებას არ მიიღებს, საერთაშორისო ფინანსური ინსტიტუტებისგან საქართველო დახმარებას ვერ მიიღებს?

– შესაძლებელია, არ შეუწყვიტონ, რადგან ეს მიმართულია მოსახლეობისკენ, მაგრამ მომავალში შესაძლებელია, გარკვეული პრობლემები შეექმნას ხელისუფლებას. როდესაც კოვიდთან დაკავშირებული პრობლემები, ასე თუ ისე, აღმო-



იფხვრება, მერე უფრო გააძლიერებს ზეწოლას ხელისუფლებაზე.

– რაც შეეხება პოლიტპატიმრების გათავისუფლებას თქმას, ამ მხრივაც ხომ არ ექნება „ოცნებას“ მცდელობა, რაღაცნაირად უკან დახიოს ეს პროცესი?

– კი, ეს მცდელობა ექნება. ამ შემთხვევაში უფრო აქვს ხელისუფლებას თავის მართლების საფუძველი, რომ სასამართლომ მიიღო გადაწყვეტილება ან კონკრეტული ადამიანის პატიმრობის საკითხი ძალაში დატოვა. შესაძლოა, ხელისუფლებამ თქვას, ჩვენთან სასამართლო ხელისუფლება დამოუკიდებელია, არ ვერვით მის საქმიანობაში და ამით იმართლოს თავი, რომ სასამართლომ მიიღო გადაწყვეტილება და არა – პოლიტიკურმა ხელისუფლებამ.

– თუმცა აქ მთავარ როლში პრეზიდენტი გვევლინება.

– რა თქმა უნდა. ოპოზიციას ექნება საფუძველი თქვას, მაშინ, რატომ არ შეინყაა პრეზიდენტმა ეს ადამიანები. კი, ესეც სწორია, მაგრამ მერე იტყვიან, ეს გადაწყვეტილება პრეზიდენტის პრეროგატივააო. ის არ არის ოფიციალურად „ქართული ოცნების“ წევრი. იტყვიან, რომ ეს საკითხები პრეზიდენტისა და სასამართლოს პრეროგატივაა.

მაგრამ საარჩევნო კანონმდებლობას რაც შეეხება, ის უშუალოდ და პირდაპირ „ქართულ ოცნებაზე“ დამოკიდებული, ვინაიდან ამ შემთხვევაში ცვლილებები პარლამენტმა უნდა მიიღოს.

– ცნობილი გახდა ირაკლი ოქრუაშვილის პოზიცია, რომ ის პრეზიდენტს შეწყალების თხოვნით არ მიმართავს. ხომ არ ეცდება სალომე ზურაბიშვილი ამის გამოყენებას, რომ თქვას, არ მომართავს და მე რატომ შევინყალო?

– კი, რა თქმა უნდა, შესაძლებელია, პრეზიდენტმა თქვას, არანაირი მომართვა არ ყოფილაო, მაგრამ ამ შემთხვევაში ისევ და ისევ ხელისუფლება წააგებს, თუნდაც იგივე პრეზიდენტი. როდესაც პრეზიდენტი ინყალებს მკვლელობისთვის გასამართლებულ ადამიანს და ამ დროს არ ინყალებს ადამიანებს, რომლებიც პოლიტიკურ საქმიანობას ეწეოდნენ, ოპოზიციას კიდევ ერთი დამატებითი ბერკეტი მიეცემა, თქვას, თუ როგორი შერჩევითი სამართალია საქართველოში.

– ოპოზიციამ რა უნდა გააკეთოს, რომ ისევ ისე დაბრუნდეს დღის წესრიგში, როგორც კორონავირუსამდე იყო?

– ოპოზიციამ, ასე თუ ისე, აქტიურობს. თუნდაც კორონავირუსთან ბრძოლის საკითხებზე განცხადებები ყოველთვის კეთდება. ძირითადად ხელისუფლების კრიტიკა ისმის. ოპოზიციამ ცდილობს წარმოიჩინოს, რომ საქართველოსთვის ეს არის საერთო პრობლემა, მათ შორის ხელისუფლების მომხრეებისა თუ მოწინააღმდეგეებისთვის. აქედან გამომდინარე, ოპოზიციი აქტიურობს, შესაძლოა, არა იმდენად, რამდენადაც საჭიროა, მაგრამ მაინც.

დღეს, შესაძლოა, საზოგადოებისთვის რადიკალური კრიტიკა მიუღებელი იყოს ან ცნობიერებას იმას, რომ საზოგადოების მნიშვნელოვანი ყურადღება კორონავირუსთან ბრძოლაზეა გადატანილი.

– როცა არჩევნებზე ვსაუბრობთ, იმის რისკსაც ხომ არ ხედავთ, რომ მისი გამართვის ვადებთან დაკავშირებითაც მოხდეს რაღაც კორექტირება?

– არ არის გამორიცხული. თუ კორონავირუსთან დაკავშირებული პრობლემების დაძლევა ვერ მოხერხდა ოქტომბრამდე, მაშინ, შესაძლოა, გადაიტანონ და პრეზიდენტმა არჩევნების ახალი ვადა გამოაცხადოს, თუმცა, მე მაინც მგონია, რომ ოქტომბრისთვის პრობლემების მნიშვნელოვანი ნაწილი დაძლეული იქნება.

„თუ პოლიტპატიმრებს არ გაათავისუფლებენ, ყველაფერი თაჰდაყირა დადგება“

მურმან დუმბაძე: „ჯერი ხელისუფლებაზეა. შეთანხმება ბოლომდე უნდა იყოს დაცული. გაცურება არ გამოვა. ოპოზიციას ხელისუფლების გამოცვლის პრაქტიკა აქვს“



ნათია ხურცილავა

„ქართული ოცნების“ ყოფილი წევრი, ოპოზიციის ერთ-ერთი ლიდერი მურმან დუმბაძე „ახალ თაობასთან“ ინტერვიუში ქვეყანაში მოსალოდნელი პოლიტიკური პროცესების შესახებ საუბრობს.

– ბატონო მურმან, რამდენად სრულყოფილი წინასაარჩევნო კამპანიის ჩატარების შესაძლებლობა მოგეცება?

– თუ ეს მდგომარეობა გაგრძელდა და ხელისუფლებამ მისი დასრულება არ გამოაცხადა, მაშინ გამოდის, ჩვენ, ოპოზიციამ, არათუ სრულყოფილად, სანახევროდაც ვერ ჩავატარებთ წინასაარჩევნო კამპანიას. მანქანით მოძრაობაც კი აკრძალულია, არათუ ადამიანებთან შეხვედრა. არ ვიცი, ამ ფონზე როგორ უნდა ჩავატაროთ კამპანია?! ძალიან რთული ვითარებაა.

მე მაინც ვფიქრობ, თუ 22 მაისის შემდეგ ხელისუფლება გააგრძელებს საგანგებო ვითარებას ქვეყანაში, მაშინ, ეს იმას ნიშნავს, რომ ის ატარებს არჩევნებს მხოლოდ სათავისოდ კიდევ ერთი ვადით დასაჩვენად. ასეთი არჩევნების პირობებში ოპოზიციამ არაფერ შუაში აღარ იქნება, მაგრამ „ქართულმა ოცნებამ“ უნდა იცოდეს, ამას სერიოზული წინააღმდეგობა მოჰყვება! მე ვურჩევ ხელისუფლებას, ამაზე არ წავიდეს!

– რას იზამთ?

– არ გაეჩერდებით. ისე არ გამოვა, რომ არჩევნები დისტან-



ციურად ჩაატარონ. „ქართულმა ოცნებამ“ არჩევნებზე მიიყვანოს მხოლოდ ის ხალხი, ვინც მას აწყობს და ჩვენ შორიდან ვუყუროთ, ეს არ გამოუვათ. საზოგადოება ცვლილებას ითხოვს, ეს რეალობაა და ეს ვნახეთ. ამ რეალობას კორონავირუსი ვერ შეცვლის.

– რამდენად ხედავთ, რომ ხელისუფლება ყველაფერს აკეთებს შეთანხმების ბოლომდე მისაყვანად?

– ეს ჯერ არ ჩანს. ამისკენ „ქართულ ოცნებას“ ჯერ არც ერთი ნაბიჯი არ გადაუდგამს და, თუ გადადგა, გავითრან.

– საკონსტიტუციო ცვლილებები რეალურია?

– რეალურია იმ შემთხვევაში, თუ ეს უნდა ხელისუფლებას.

აუცილებელი პირობაა საკონსტიტუციო ცვლილებები და პოლიტ-

პატიმრების გათავისუფლება. თუ ხელისუფლებასა და ოპოზიციას შორის არსებული შეთანხმება არ შესრულდება და დაკავებული არ გათავისუფლდებიან, არ მოხდება საკონსტიტუციო ცვლილებები ანუ 120/30-ზე არ იქნება საარჩევნო სისტემა, მაშინ ყველაფერი თავდაყირა დგება. თუ ამას არ გააკეთებს, მაშინ ყველაფერი საკუთარ თავს უნდა დააბრალოს.

– თუ არ შეასრულა შეთანხმება, რა იქნება?

– ოპოზიციას ხელისუფლების გამოცვლის პრაქტიკა აქვს.

– როგორ გამოცვლით?

– როგორც აქამდე გამოგვიცვლია არაერთი ხელისუფლება.

შევადგინა ხელისუფლება რევოლუციით გამოცვალეთ, ასლან აბაშიძის ხელისუფლება – ასევე რევოლუციით, სააკაშვილის ხელისუფლება – არჩევნების გზით. ეს ხომ საუკუნეების წინ არ მომხდარა, სულ ახლახანს მოხდა და ეს გამოცდილება არსებობს. დიდი ოპოზიციური გაერთიანება ცვლის ხელისუფლებას. ყველა ოპოზიციური ძალა ვთანხმდებით, რომ ერთიანი ფრონტით გავალთ არჩევნებზე.

– მაჟორიტარებზე შეთანხმებას გულისხმობთ?

– დიახ. ეს შეთანხმება ძალაშია. ასლა ჯერი ხელისუფლებაზეა, სალაპარაკო არ უნდა მოგვეცეს, ვნახოთ, რას იზამენ. შეთანხმება ბოლომდე უნდა იყოს დაცული, გაცურება არ გამოვა.

– პოლიტოლოგები ამბობენ, რომ არსებული რეალობა კარგ ფონს ხელისუფლებას უქმნის და არა ოპოზიციას, რომ ოპოზიციამ რთულ მდგომარეობაშია. აპირებთ რამის შეცვლას?

– ქვეყანაში საგანგებო მდგომარეობაა, კარანტინია, ჩვენ ხელ-ფეხი შეკრული გვაქვს. ჩანს მხოლოდ ხელისუფლება რამდენიმე ექიმის ფონზე, რომლებიც მართლაც კარგად ებრძვიან ეპიდემიას. ეს კარგია, მაგრამ ექიმებისა და კარანტინის გამოყენება დროებითი ამბავია. ეს უნდა გავცნობიეროთ ხელისუფლებამ. ასე სულ ვერ იქნება.

ოპოზიციამ არსად ჩანს. ეს ძალიან მოსწონთ „ქართულ ოცნებაში“, მაგრამ, მერწმუნეთ, ასე დიდხანს ვერ გაგრძელდება. დრო მოვა და ყველაფერს ვიტყვით.

– რას იტყვით?

– 22 მაისს უნდა დაველოდოთ. რას იზამს ხელისუფლება, გამოჩნდება. თუ ისევ სახლში უნდა გამოგვკეტონ, ასე არ გამოვა. ევროპა, სადაც სიკვდილიანობის ყველაზე მაღალი მაჩვენებელი იყო, ნელ-ნელა შერბილებისკენ გადადის. ჩვენთან მსგავსი არაფერი შეიმჩნევა. ვართ თუ არა პიკში, ისიც კი ვერ გავგვირკევია.

ბათუმში თურქეთის მოქალაქე დააკავეს

შინაგან საქმეთა სამინისტროს აჭარის პოლიციის დეპარტამენტის ბათუმის საქალაქო სამმართველოს თანამშრომლებმა თურქეთის რესპუბლიკის მოქალაქე, 1988 წელს დაბადებული თ. ბათუმში დააკავეს.

მას ბრალად ოჯახში ძალადობა და შემაკავებელი ორდერით გათვალისწინებული მოთხოვნებისა და ვალდებულებების შეუსრულებლობა ედება.

გამოძიებით დადგინდა, რომ ბრალდებულმა მამაკაცმა არ შეასრულა იმ შემაკავებელი ორდერით გათვალისწინებული ვალდებულებები, რომელიც სამართალდამცველებმა მის მიერ ცოლის, 1981 წელს დაბადებულ ნ. თ.-ს მიმართ განხორციელებული ფსიქოლოგიური ძალადობის ფაქტზე გამოსცეს. აგრეთვე, ბრალდებულმა მეუღლეს სიტყვიერი და ფიზიკური შეურაცხყოფა მიაყენა. ოჯახის წევრის მიმართ ჩადენილი ძალადობისა და შემაკავებელი ორდერით გათვალისწინებული მოთხოვნებისა და ვალდებულებების შეუსრულებლობის ფაქტებზე გამოძიება სისხლის სამართლის კოდექსის 126-ე პრიმა მუხლის 1-ლი ნაწილითა და 11 პრიმა 381-ე პრიმა მუხლის 1-ლი ნაწილით მიმდინარეობს. დანაშაული 2 წლამდე ვადით თავისუფლების აღკვეთას ითვალისწინებს.

„დახმარება შეეხება მათ, ვინც სამსახური კორონავირუსის გამო დაკარგა“

გულყო ბალაძე

გია ჟორჟოლიანი: „ფული გახარია უფრაში ხომ არ უდევს?“

„ახალი თაობის“ კითხვებს პარლამენტის წევრი გია ჟორჟოლიანი პასუხობს.

– ბატონო გია, როგორ აფასებთ მთავრობის მიერ წარმოდგენილ სოციალური დახმარების გეგმას, რომელიც ჯერ გახარიათ, შემდეგ სამინისტროებმა დაზუსტებული სახით წარმოგვიდგინეს?

– დავინწყებ იმით, რაც ფინანსთა სამინისტროს შემოსავლების სამსახურის წარმომადგენელმა თქვა, 750 ლარამდე ხელფასის მქონე პირებისთვის საშემოსავლო გადასახადის მოხსნაზე. ეს არის სტიმულირება. მცირე შემოსავლიანებს მოეხსნათ გადასახადი და ნაკლები საგადასახადო ტვირთი ექნებათ. ეს დამატებითი სტიმული მისცემს სამუშაო ადგილების შესანარჩუნებლად. ამდენად, ესეც შეიძლება, სოციალურ პოლიტიკად მივიჩნიოთ.

– ჯანდაცვის, სოციალური დაცვის სამინისტროს ხელმძღვანელის მიერ წარმოდგენილი დახმარების გეგმა როგორია?

– ჯანდაცვისა და სოციალური დაცვის სამინისტროს ხელმძღვანელმა სამ მიმართულებაზე ისაუბრა. ეს არის უმუშევრების დახმარება, თვითდასაქმებულების ერთჯერადი დახმარება და სოციალური დახმარების სისტემაში გარკვეული ცვლილებები.

– ზოგი კითხულობს, დევნილებს რატომ არ ეხმარებიან?

– კომპენსაციას საშემოსავლო შესაძლებლობების მიხედვით აძლევენ. ვინც დევნილია და ბინა არ აქვს, სოციალურ ჯგუფში აღმოჩნდება. ზოგადად, ჩემი აზრით, დევნილებს, ვეტერანებსა და ყველა იმ ჯგუფს, რომელიც რალაციით დაზიანებულია, დახმარება უნდა შეეზოს. ერთი მექანიზმით, რომელიც წარმოდგენილ გეგმაშია, დახმარება დევნილებს თითქმის ეხებათ, მაგრამ ამ წუთში ამაზე ნუ ვილაპარაკებთ.

– თუ გინდათ უფრო სერიოზული საუბარი, მე მზად ვარ, მაგრამ, თუ გინდათ თქვათ, რომ ვილაპარაკო უფრო კარგი გეგმა აქვს და 200 ლარს



400 ლარი სჯობია, ეს არასერიოზულია.

– ევრონაცები ამბობენ, გახარიას მიერ წარმოდგენილი გეგმა ადამიანების რეალურ დახმარებას კი არ ემსახურება, არჩევნებზეა გათვლილი.

– ასეთ სისულელეებზე კომენტარს არ ვაკეთებ. რას ნიშნავს, არჩევნებზეა გათვლილი. ყველაფრის თქმა შეიძლება. ეგენი მართლაც არ ლაპარაკობენ, ამბობენ, რადგან სამ თვეზე არ გაიწერა, ამიტომ არჩევნებზეა გათვლილი, რაც არასერიოზული ლაპარაკია.

– როგორ?

– ეს არის სერიოზული საკმე. ჩვენ სხვა მდგომარეობაში ვართ. ეს ხალხი, დაწყებული ოპოზიციიდან (შეიძლება, მთავრობაც ვერ ხვდება), ვერ აანალიზებს, რა მდგომარეობაშია. მათ ჰგონიათ, იგივე მდგომარეობაა და, თუ განსხვავებულს იტყვის, ოპოზიცია იქნება. ახლა საქმე ის არის, ვინ როგორ გადაარჩება. ესენი კი ისეთ გეგმებს წერენ, სასაცილოა.

– ისიც თქვას, მათ, ვინც თურქეთში დადიოდა, 200-ლარიანი დახმარება რატომ არ ეძლევათ.

შინაგან საქმეთა სამინისტრომ საგანგებო მდგომარეობის რეჟიმის დარღვევის 114 ფაქტი გამოავლინა

პოლიცია, საქართველოს მთავრობის მიერ საგანგებო მდგომარეობის ფარგლებში ზომების მნიშვნელოვანი გამკაცრების შესახებ მიღებული გადაწყვეტილების მოთხოვნების აღსრულებისა და ე.წ. კომენდანტის საათის ფარგლებში დაწესებული შეზღუდვების დამრღვევი პირების გამოვლენის მიზნით, 24-საათიან რეჟიმში მუშაობას განაგრძობს. შინაგან საქმეთა სამინისტროს შესაბამისი დანაყოფების თანამშრომლები, ქვეყანაში კორონავირუსის გავრცელების აღკვეთისა და პრევენციის მიზნით, სამართალდარღვევის ყველა ფაქტზე ოპერატიულად რეაგირებენ.

ბოლო 24 საათის განმავლობაში, სამართალდამცველების მიერ განხორციელებული მონიტორინგის შედეგად, მთელი ქვეყნის მასშტაბით, საგანგებო მდგომარეობის რეჟიმის და

ე.წ. კომენდანტის საათის შეზღუდვების დარღვევის 114 ახალი ფაქტი გამოვლინდა.

პოლიციამ, 29 აპრილის 21 საათიდან 30 აპრილის დილის 6 საათამდე, ე.წ. კომენდანტის საათის დარღვევის ფაქტზე, მთელი ქვეყნის მასშტაბით 74 მოქალაქე დააჯარიმა.

სამართალდამცველებმა მგზავრთა გადაყვანისა და ავტომობილით გადაადგილების წესის დარღვევის ფაქტზე კიდევ 3 პირი დააჯარიმეს.

გარდა ამისა, შინაგან საქმეთა სამინისტროს თანამშრომლებმა, საჯარო სივრცეში 3-ზე მეტი პირის შეკრების და 2-მეტრიანი სოციალური დისტანციის დაუცველობის გამო, სულ 29 მოქალაქე დააჯარიმეს.

პოლიცია განაგრძობს თვითიზოლაციაში მყოფი მოქალაქეების მკაცრ კონტროლს. მონიტორინგის შე-

დეგად, თვითიზოლაციის წესების დარღვევის 8 ახალი ფაქტი გამოვლინდა.

შინაგან საქმეთა სამინისტრო კვლავ მოუწოდებს მოქალაქეებს, დაიცვან საგანგებო მდგომარეობის ფარგლებში დაწესებული შეზღუდვები, წინააღმდეგ შემთხვევაში, გამოყენებული იქნება კანონით გათვალისწინებული, შესაბამისი ზომები.

საქართველოს ტერიტორიაზე მყოფი ყველა პირი ვალდებულია, დაიცვას საგანგებო რეჟიმი და დემორჩილოს საზოგადოებრივი ჯანმრთელობის სფეროში მოქმედ საქართველოს კანონმდებლობის მოთხოვნებს.

საგანგებო მდგომარეობის რეჟიმის დარღვევა იწვევს ადმინისტრაციულ პასუხისმგებლობას – ფიზიკური პირის დაჯარიმებას 3.000 ლარით, ზოლი იურიდიული პირის – 15.000 ლარით.

ვისთვის გააპარტივა რუსეთმა მოქალაქეობის მიღება? რუსეთი თავისი გავლენის გაძლიერებას ევროკავშირის პარტნიორ სახელმწიფოებში ცდილობს

მარიამ მჭედლიშვილი

კოვიდ-19-ის პანდემიას არ შეუხსტებია რუსეთის ტროლების ფაბრიკა, კრემლის პროპაგანდა და იმპერიული მისწრაფებები.

გავლენის გაძლიერების წყურვილის გარდა, რუსეთს დემოგრაფიული პრობლემებიც უდგას. ამის გამო იცვლება წესები და კანონები. რუსეთის ფედერაციაში იმყოფებიან შრომითი მიგრანტები სხვადასხვა ქვეყნიდან. მათ უმრავლესობას ბინადრობის მონშობა აქვს.

ახლანა მიღებული კანონით, ამ კატეგორიას, ასევე სხვებს, რუსეთის მოქალაქეობის მიღებას უმარტივებენ.

კანონით, რუსეთის მოქალაქეობის მსურველი ვალდებული აღარ არის, უარი თქვას სხვა ქვეყნის მოქალაქეობაზე. მაგალითად, რუსეთში სამუშაოდ წასული ქართველი, სომეხი ან უკრაინელი, რომელსაც ბინადრობის მონშობა აქვს, ადვილად გახდება რუსეთის მოქალაქე.

ამ პროცედურას უმარტივებენ იმ ადამიანებს, რომლებიც წარსულში საბჭოთა კავშირის მოქალაქეები იყვნენ. ეს უფლება ყოფილი საბჭოთა რესპუბლიკების წარმომადგენლებს ადრეც ჰქონდათ, მაგრამ აქამდე საკვალდებულო იყო 3

წლის განმავლობაში რუსეთში ცხოვრებისა და შემოსავლების წყაროს დადასტურება. ეს ბარიერი მოხსნილია.

რუსეთის პასპორტს დაუბრკოლებლად აიღებენ რუსეთის უმაღლესი სასწავლებლების კურსდამთავრებულები, რომლებმაც სპეციალობით იქვე ერთი წელიწადი იმუშავეს, ასევე – რუსეთის მოქალაქეების შვილები და მეუღლეები.

წესით, ეს ნორმები რეპატრიანტებსაც უნდა შეეხებოდათ, თუმცა, ამის იმედი არა აქვთ ჩერქეზებს. ჩრდილოეთ კავკასიის სხვადასხვა რესპუბლიკაში მცხოვრები ჩერქეზები აღნიშნავენ, რომ ახლო აღმოსავლეთში რუსეთთან ომის შედეგად წინა საუკუნეებში იძულებით გადახვენილი ჩერქეზები სამშობლოში ვერ ბრუნდებიან. ამისათვის უამრავი დაბრკოლება არსებობს. მათი ვარაუდით, ეს ტენდენცია გაგრძელდება და რუსეთის მოქალაქეობას მათ ადვილად არავენ მისცემს.

მოქალაქეობის დარიგების გარდა, რუსეთი მოსტესაბჭოთა სივრცეში ფეხის მოკიდების სხვა მეთოდებსაც მიმართავს.

ამას მოლდოვასთან გაფორმებული დოკუმენტები ადასტურებს. ერთი კვირის წინ მოლდოვის პარლამენტმა მოახდინა იმ შეთანხმების რატიფიცირება, რომლითაც რუსეთმა მოლდოვას გამოუყო კრედიტი 200 მილიონი ევროს ოდენობით.

პანდემიასთან ბრძოლისა და მისი შედეგების დაძლევის პერიოდში რუსული კრედიტი უნდა მოხმარებოდა ბიუჯეტის შევსებასა და ინფრასტრუქტურულ პროექტებს.

ამავე შეთანხმებით, რუსეთის კომპანიებს ენიჭებათ მოლდოვის სახელმწიფო ტენდერებში მონაწილეობის უფლება.

შეთანხმების ამუშავება ოპოზიციამ ჩაშალა. მისი განაცხადის საფუძველზე საკონსტიტუციო სასამართლომ შეაჩერა შეთანხმების ამოქმედება მანამ, სანამ შეისწავლის მის შესაბამისობას კონსტიტუციასთან.

პრეზიდენტი იგორ დოდონი ჩივის, რომ

რუსეთის კრედიტის გარეშე ქვეყანა ვეღარ დაა-რიგებს ხელფასებსა და პენსიებს, ვერ დააფინანსებს ჯანდაცვას.

მოლონელი ექსპერტების შეფასებით, რუსეთი თავის განზრახვებზე უარს არც ამ მძიმე პერიოდში ამბობს. ის იყენებს კრიზისის თავისი პოზიციების გასაძლიერებლად. ამ შემთხვევაში, კრემლის მიზანია პრორუსულად განწყობილი დოდონისა და მისი სოციალისტების მხარდაჭერა, ასევე – მოლდოვის დამოკიდებულების ზრდა რუსეთზე.

ამერიკელი ანალიტიკოსების დასკვნით, რუსეთის საქმე ცუდად არის. პუტინი ბოლო დროს

ვერ გაუმკლავდა ორ დიდ გამოწვევას. რუსეთის პრეზიდენტი ვერ გამოეხსნა ნავთობის ბაზრის ნგრევასა და პანდემიას.

პუტინმა მარტში არაფრად ჩააგდო საუფროსო არაბეთის მოწოდება ნავთობის მოპოვების მოცულობის შემცირებაზე. მას უნდოდა, გაეკოტრებინა არაბული ქვეყნები და აშშ. მოგვიანებით მას დამამცირებელ მოლაპარაკებებზე წასვლა მოუხდა. ნავთობის ბაზრის ნგრევამ ნავთობდამოკიდებულ რუსეთს მომაკვდინებელი დარტყმა მიაყენა. რუსეთის ეკონომიკა დაატყდა ასევე კორონავირუსი, რომლის შესახებ ინფორმაციასაც კრემლი მალავდა.





იური შვაცი: „პუტინმა ქვეყანაზე კონტროლი დაკარგა“

სუკის ყოფილმა რეზიდენტმა ვაშინგტონში იური შვაციმა განაცხადა, რომ ვლადიმერ პუტინი ცდილობს, სანქციების შერბილებას ან გაუქმებას მიაღწიოს. ამ მიზნით ის პრეზიდენტ ტრამპს სისტემატურად ურევავს. ამავე დროს, ხდება ფრიად უცნაური მოვლენები: პუტინის უახლოესი მეგობარი და „ედინაია როსია“ მთავარი იდეოლოგი, კოვალჩუკი, აქვეყნებს სტატიას, სადაც ნათქვამია, რომ კორონავირუსი პენტაგონის ლაბორატორიებში შექმნეს, რუსეთის თავდაცვის მინისტრ შოიგუს განკარგულებით კი რუსული თვითმფრინავები სმელთაშუა ზღვაში ამერიკულ თვითმფრინავებს უტევენ.

— ეს მხოლოდ იმაზე მიუთითებს, რომ პუტინმა სიტუაციაზე კონტროლი დაკარგა! ის ამერიკელებს მეგობრობას სთავაზობს, მისი გარემოცვა კი საპირისპიროდ იქცევა, — თქვა შვაციმა.

სუკის ექსრეზიდენტის აზრით, კრემლში გამოიკვეთა რამდენიმე დაჯგუფება, რომელიც




ძალაუფლებისთვის იბრძვის. აქედან ყველაზე ძლიერები არიან ძალეულები. მათ განეკუთვნებიან რუსეთის უშიშროების საბჭოს მდივანი პატრუშევი, ფსბ-ს დირექტორი ბორტნიკოვი, თავდაცვის მინისტრი შოიგუ.

— ესენი პუტინისთვის უმთავრეს საფრთხეს წარმოადგენენ, — თვლის შვაცი.

ესპანეთში განკურნავულთა რაოდენობა 56,1%-ს მიაღწია

30 აპრილისთვის არსებული ინფორმაციით, ესპანეთში კოვიდ 19-ით ინფიცირებულთა საერთო რაოდენობა 236.899-ს შეადგენს.



მათგან განკურნებულია 132.929 ადამიანი. ეს ინფიცირებულთა საერთო რაოდენობის 56,1%-ია, რაც წინა დღის მონაცემებს 2,8%-ით აღემატება.

გარდაცვლილია 24.275 ადამიანი, რაც ინფიცირებულთა საერთო რაოდენობის 10,2%-ს შეადგენს. ეს წინა დღის მონაცემების იდენტურია.

ამ დროისთვის მკურნალობს 79.695 ადამიანი.

მათგან 71.931 ადამიანის, ანუ 90%-ის მდგომარეობა მსუბუქი ან საშუალო სიმძიმისაა, ხოლო დარჩენილი 10%-ის, ანუ 7.764-ის მდგომარეობა რთული ან კრიტიკულია.

გერმანიაში პესბოლა ტერორისტულ ორგანიზაციად გამოცხადდა გამოაცხადეს

გერმანიაში პესბოლა ტერორისტულ ორგანიზაციად გამოცხადდა და ქვეყნის მასშტაბით მისი საქმიანობა აიკრძალა.

გერმანული მედიის ინფორმაციით, სამართალდამცველებმა ორგანიზაციის წარმომადგენლების სახლებსა და მეჩეთებში რეიდები განახორციელეს.

ოფიციალური გათვლებით, გერმანიის ტერიტორიაზე ორგანიზაციის 1.050-მდე წევრი იმყოფება.

გასულ წელს პესბოლა ტერორისტულ ორგანიზაციად დიდმა ბრიტანეთმა აღიარა.

მოამზადა ნიკა თევზაძემ



პენსიონარმა საკუთარი გარდაცვალების შესახებ მიღებული ფოსტიდან შეიჭყო

კანადის ბრიტანეთის კოლუმბიის პროვინციის ქალაქ ვიქტორიას მცხოვრები პენსიონერი ქალი შვიდი თვის მანძილზე არ იღებდა პენსიას იმის გამო, რომ ხელისუფლებამ ის შეცდომით გარდაცვლილად ჩათვალა.

ორშაბათ დილით 80 წლის ვილმა უილიამსმა დილის ფოსტით კანადის საგადასახადო სააგენტოსგან წერილი მიიღო, რომელშიც მისი გარდაცვალების შეტყობინება იყო.

ვილმა სააგენტოში დაირეკა, რათა საკუთარი გარდაცვალების მიზეზი გაეგო. იქ და-

რეკვა არც ისე ადვილი გამოდგა ხაზის გადატვირთულობის გამო, რაც იმიტომ გამოწვეულია, რომ სწორედ ამ სააგენტოდან ხდება კორონავირუსის პანდემიის პირობებში მოქალაქეებზე ფინანსური დახმარების გაცემა. ორი-თუ სამი საათის შემდეგ უილიამსმა მაინც მოახერხა სააგენტოს თანამშრომელთან დაკავშირება და რომელიც დაპირდა, რომ მომხდარის მიზეზებში გაერკვეოდა.

შედეგად გაირკვა, რომ კანადის საგადასახადო სააგენტომ ინფორმაცია საპენსიო ფონდისგან მიიღო. საპენსიო ფონ-

დში განაცხადეს, რომ მათ ჯერ კიდევ გასული წლის სექტემბერში დაურეკეს დამკრძალავი სააგენტოდან და უილიამის გარდაცვალების თაობაზე ინფორმაცია მიაწოდეს. სწორედ ამის გამო შეუწყდა ქალს პენსიის გადახდა.

სავარაუდოდ, ვილმა სხვა თანამოგვარეში აერიათ. უილიამსს მაშინვე არ შეუნიშნავს ის, რომ პენსია აღარ ერიცებოდა, ვინაიდან რამდენიმე თვის განმავლობაში საკუთარი საბანკო ანგარიში არ შეუმონებია.

მოამზადა კანა ხატიაშვილმა

ქალმა აგრესიული მელა ქოთანში გამოაფხვდია

ამერიკის მენის შტატის ქალაქ გრეიში ქალს აგრესიულ მელასთან მოუწია გამკლავება და ბოლოს მისი ქოთანში გამოაფხვდევს მოახერხა.

37 წლის ელიზა რუთ უოტსონმა საკუთარ ეზოში მელა მუშაობის დროს შენიშნა. გარეული ცხოველის შესაშინებლად ქალმა ყვირილი ატეხა და ხელეობის ქნევით შეუტია. მისი მოლოდინის საწინააღმდეგოდ, მელა არ გაქცეულა და, პირიქით, ქალისკენ გაიწია. მხოლოდ ამის შემდეგ მიაქცია ქალმა ყურადღება მის უსიამოვნო სუნსა და ჭუჭყიან, სისხლიან ბუნსს. ის შეშინდა, რომ მელა ცოფიანი იყო და დაუფიქრებლად ფეხი ამოსცხო, თუმცა აჰან შედეგი არ გამოიღო.

— მან ისე გამოინია ჩემკენ, — ყვება ქალი, — მე მას ვურტყამდი, ის კი მაინც ჩემკენ იწევდა, შემდეგ მომახტა და, კიდევ კარგი, სქელი ხელთათმანები მეკეთა, თორემ სერიოზულად დამაშავებდა.

ქალმა მელაზე კბილებით ჩამოკონწიალებული მელა მოიშორა და შემდეგ ხელი კისერში ჩაავლო. ცხოველი უძალიანდებოდა და კბენას ცდილობდა. უოტსონმა თავდაპირველად იფიქ-

რა, მელა ავტოფარეში დაემწყვდია, თუმცა შემდეგ ღრმა ქოთანში ჩასვა და თავსახური დაახურა. ბოლო მომენტში მელამ მაინც მოახერხა, მისთვის ცერა თითზე ეკბინა.

საავადმყოფოში ქალს საჭირო სამედიცინო დახმარება აღმოუჩინეს, დაუმუშავეს ნაკანრები და იარები და ცოფის საწინააღმდეგო ხუთი ვაქცინა გაუკეთეს, ქოთანში გამოაფხვდელი მელა კი სპეციალისტებმა ცოფზე შესაბამისებლად წაიყვანეს.



ბორის ჯონსონს შვილი შეაჩინა

დიდი ბრიტანეთის პრემიერ-მინისტრ ბორის ჯონსონს, რომელმაც კორონავირუსი გადაიტანა და მის საცოლე ქერი სიმონდსს შვილი შეეძინათ.

ჯონსონის პრესმდივნის ინფორმაციით, ბავშვი ლონდონის საავადმყოფოში 29 აპრილს, დილით დაიბადა. 32 წლის სიმონდსი და მისი ახლად დაბადებული ბავშვი ექიმების მეთვალყურეობის ქვეშ იმყოფებიან და თავს კარგად გრძნობენ.

— პრემიერ-მინისტრი და ქალბატონი სიმონდსი სამშობიარო განყოფილების პერსონალის მიმართ უდიდეს მადლიერებას გამოხატავენ, — აღნიშნა ჯონსონისა და მისი მეუღლის ოფიციალურმა წარმომადგენელმა.



მეგან მარკლმა სამეფო პრივილეგიაზე უარს თქმის მიზეზები გაახილა



ბრიტანეთის პრინც ჰარის მეუღლე მეგან მარკლმა მეგობრებს უამბო, თუ რა გახდა სამეფო პრივილეგიებზე უარის თქმისა და აშშ-ში საცხოვრებლად გადასვლის ნამდვილი მიზეზი. ამ ინფორმაციას ერთ-ერთი ბრიტანული გამოცემა ავრცელებს.

გამოცემის ინფორმატორი, რომელიც მარკლის გარემოცვის წარმომადგენელია, ამ-

ტყიცებს, რომ მეგანმა ბრიტანული ყვითელი პრესის შემოტევას ვერ გაუძლო.

— მისი თქმით, მას უსამართლოდ ექცეოდნენ, ყველაფერზე ეკიდებოდნენ, იმაზეც კი, თუ როგორ ისვამდა მუცელზე ხელს ფეხმძიმედ ყოფნის დროს, — ამტკიცებს ინფორმატორი.

პრინც ჰარის კი ტაბლოიდებით უკმაყოფილების საკუ-

თარი მიზეზი ჰქონდა: ის მათ დედის, პრინცესა დიანას დალუპვის თანამონაწილეებად მიიჩნევს. ჰარის არაერთხელ შეუჩივლია დედოფალ ელისაბედ II-ისა და პრინც ჩარლზისთვის პრესის მხრიდან მისი მეუღლის მიმართ უპატივცემულო დამოკიდებულების გამო, თუმცა მათი მხრიდან ამ საკითხზე რამე სახის დახმარებას ვერ ეღივრა.

მარკლი მიიჩნევს, რომ სამეფო ოჯახი მსგავს ქმედებას კეიტ მიდლტონის, ჰარის ძმის, პრინც უილიამის მეუღლის მიმართ არ მოითმენდა.

— ის ამბობს, რომ მის ჩივილს სერიოზულად არავინ მოჰყიდებია, — აცხადებს გამოცემასთან საუბარში ინფორმატორი, — მათ აღარაფერი დარჩენოდათ, გარდა იმისა, რომ ამ პრობლემის მოგვარება საკუთარ თავზე აეღოთ.

ოჯახის მხნელი დაკარგული ძაღლი 54 დღის შემდეგ დაბრუნდა

ამერიკის ტენესის შტატის ქალაქ კუკვილში დაკარგული ძაღლი, სახელად ბელა, პატრონებს 54 დღის შემდეგ დაუბრუნდა.

ძაღლის პატრონმა ერიკ ჯონსონმა ფეისბუქში, საკუთარ გვერდზე დაწერა, რომ ბელა 3 მარტს დაკარგა, როდესაც მათი სახლი ქარბორბალამ გაანადგურა. მისი თქმით, ოჯახი დალუპვას სწორედ ბელამ გადაარჩინა.

— ის ჩვენი საწოლის ქვეშ შეძვრა და ანკმუტუნდა, — განმარტა ჯონსონმა. ამის გამო მეორე ძაღლმა, სახელად სკუტერმა, ყეფა ატეხა. ჯონსონს გაეღვიძა, ტელევიზორი ჩართო და ახალი ამბებიდან შეიტყო, რომ ქარბორბალამ ქალაქ ნეშვილს გადაუარა და ახლა კუკვილისკენ მიემართებოდა.

— ბავშვები და მეუღლე გავავლიძე და სახლის მეორე ნაწილში, სააბაზანოში დავმალე, — იხსენებს მამაკაცი, — შემდეგ უკანვე დავბრუნდი ძაღლების წამოსაყვანად და ამ დროს სახლის ნგრევის ხმა შემომესმა.

მაშინ ის სასწრაფოდ ოჯახთან დაბრუნდა და დაინახა, რომ ქარბორბალამ სააბაზანო მის მეუღლესა და ბავშვებთან ერთად 15 მეტრის მანძილზე მოისროლა და ის ორად გაიყო. შედეგად ცოლს წევი ჩაემტვრა, ხოლო თავად მამაკაცს თავზე იარები დარჩა.



— სკუტერი დაიღუპა. ვფიქრობ, ბელა ცოცხალი იმითომ გადარჩა, რომ ჩვენი მძიმე საწოლის ქვეშ იყო შემძვრალი, — აღნიშნა ჯონსონმა.

ქარბორბალას გადავლის შემდეგ ბელა უგზო-უკვალად გაუჩინარდა. ჯონსონს მისი პოვნის იმედი თითქმის დაკარგული ჰქონდა, როდესაც ძაღლი სახლიდან რვა კილომეტრში შენიშნეს.

კვირა საღამოს ჯონსონმა ბელა სახლში მიიყვანა.

მაჰაჰასი კოლეგების ყავით გაასპინძლეს სურვილმა გააფიქრა

ავსტრალიის ქალაქ ადელაიდას მცხოვრები მამაკაცის მტკიცებით, ის მილიონერი იმის წყალობით გახდა, რომ მოულოდნელად კოლეგების ყავით გამასპინძლების სურვილი გაუჩნდა.

ავსტრალიელმა, რომლის ვინაობა არ მჟღავნდება, სამსახურისკენ მიმავალ გზაზე მალაზიაში შეიარა, რათა თავისთვის და კოლეგებისთვის ყავა ეყიდა. იქ გაახსენდა, რომ ლატარიის შაბათის გათამაშებისთვის ბილეთის ყიდვა დაავიწყდა.

— გახარებული ვარ, რომ მალაზიაში ყავის საყიდლად შევიარე, წინააღმდეგ შემთხვევაში, გათამაშებას გამოეტოვებდი, — განმარტა მამაკაცი.

კვირას ილბლიანმა ავსტრალიელმა გათამაშების შედეგები შეამოწმა და შეიტყო, რომ ჯეკპოტით მოხსნა, 1,2 მილიონი დოლარი მოიგო.

— გულახდილად ვიტყვი, შოკში ჩავვარდი. ყოველთვის თავდაზნოვანად ვშრომობდი და ზოგჯერ არცთუ კარგი დროება მედგა. ჭკუა შეიძლება დაკარგო, როდესაც ასეთი საჩუქარი გეძლევა, — აღიარა მამაკაცი.

ახლად გამომცხვარმა მილიონერმა გადაწყვიტა, მოგებული თანხით ვალები გაისტუმროს. შემდეგ აპირებს, მეუღლესთან ერთად იმსჯელოს



იმეზე, თუ რაში დახარჯონ ასეთი მსხვილი მოგება.

— ვფიქრობ, ფულის ნაწილს ბავშვებს მივცემ, ხოლო როდესაც მსოფლიოში ვითარება გამოსწორდება და ყველაფერი აღაგდება, ოჯახურ შეგებულებას მოვიწყობთ, — განაცხადა ავსტრალიელმა.

მოამზადა კანა ხატიაშვილმა

განსხვავებები

● ვაქცირავენ 2-ოთახიან, კეთილმოწყობილ, იზოლირებულ ბინას სტუდენტი გოგონასთვის. მისამართი: ნინოშვილის 57/კონსტიტუციის 13. ტელ.: 599-294-293.

ჯანმრთელობა, მკურნალობა

● სექსუალური აშლილობებით დაავადებული მკურნალებს: შეწყვიტე რა პაციენტების მიღება, შემომრჩა „ერექტორები“, რომელიც ანესრიგებს სექსუალურ შეუთავსებლობებს წყვილთა შორის და თვით სექსობრივად უძლურ მამაკაცებშიც „ერექტორის“ შესახებ ცნობები შეტანილია უროლოგიისა და სექსოლოგიის სახელმძღვანელოებში. იყიდება სიმბოლურ ფასად. ტელ.: 593-60-60-44; 299-95-33. იკითხეთ ექიმი მერაბი.



ფიფა და უეფა სამედიცინო ომში ჩაება

ფიფას სამედიცინო კორპუსის ხელმძღვანელს, ბელგიელ ექიმს მიშელ დოგის საფეხურთო ტურნირების განახლება სექტემბრამდე არ სურს. ის ამტკიცებს, რომ პლანეტა მე-2 მსოფლიო ომის შემდეგ ყველაზე დრამატულ სიტუაციაშია.



ვერ გეტყვით, ადრამატულებს თუ არა 74 წლის სპეციალისტი სიტუაციას, მაგრამ ქვეყნებსა და ორგანიზაციებს მოუწოდებს, ვაქცინის შექმნამდე საფეხურთო ტურნირების განახლებაზე ნუ იფიქრებენ. სულ მცირე, პირველ სექტემბრამდე ფეხბურთი უნდა დაივიწყონ.

მიშელ დოგი:

— მსოფლიო არ არის მზად ფეხბურთის განახლებისთვის. ასლა პლანეტა მე-2 მსოფლიო ომის შემდეგ ყველაზე დრამატულ სიტუაციაშია. არ უნდა უგულებელვყოთ საფრთხე, რეალისტები უნდა ვიყოთ. ჯერ ისიც არ ვიცით, რომელ ქვეყანაში როდის გადავივლის პანდემიის პიკი. მხოლოდ მაშინ ამოვისუნთქავთ მშვიდად, როცა დაავადების სანინალმდეგო ვაქცინა შეიქმნება. ტესტირება გამოსავალი არ არის. ის ხშირად უნდა გავიმეოროთ. ნარმოიდგინეთ, ერთ ფეხბურთელსაც რომ დაუდგინდეს ვირუსი, მთელი გუნდი კარანტინში უნდა გადავიყვანოთ. ფეხბურთი ხომ კონტაქტური სპორტია. ამ ვირუსის წინააღმდეგ მთავარი რეკომენდაცია კი სწორედ კონტაქტისგან თავის არიდებაა. წარმოგიდგენიათ ფეხბურთის ნილბით თამაში? როგორ უნდა მოთხოვო ლიგურების ფეხბურთელებს, ორმეტრიანი დისტანცია დაიცვან მანქანების ფეხბურთელებთან. მხოლოდ იმის გამო, რომ ბურთების სტერილიზაცია შესაძლებელია, ფეხბურთს უსაფრთხოდ ვერ

ვითამაშებთ.

ფიფას ექიმთა შეფასება მთავარი ექიმი ტიმ მაიერი გამოეხატა და ფიქრობს, რომ სეზონი განხორციელდება არ არის.

ტიმ მაიერი:

— ყოველი ტურნირის განახლების წინ ყველა საჭირო პროტოკოლი იქნება ზედმიწევნით გავლილი, რადგან ფეხბურთელებისა და ყველა იმ ადამიანის ჯანმრთელობა, რომლებიც ტურნირების ჩატარებასთან კავშირში იქნებიან, ჩვენი უმთავრესი პრიორიტეტია. ყველა ამ პროტოკოლის გათვალისწინებით, ადგილობრივ ხელისუფლებებთან მჭიდრო კავშირში ნამდვილად შესაძლებელია 2019-20 წლების სეზონის დასრულება.

შეგახსენებთ, რომ უკვე დასრულებულად გამოცხადდა 2 ევროპული პირველობა — ნიდერლანდების ერედი-ვიზიონი და საფრანგეთის ლიგა 1. ორივე ამ ქვეყანაში სპორტულ ღონისძიებებზე მთავრობის აკრძალვა მოქმედებს და არა ადგილობრივი ფედერაციები.

ჩემპიონატის შეჩერება უნდათ ბელგიასა და შოტლანდიასაც, მაგრამ გაგრძელების მომხრეები უფრო მრავლად არიან: ინგლისი, გერმანია, ესპანეთი, იტალია, შვეიცარია, ავსტრია, შვედეთი, დანია.

სხვა ქვეყნები მოვლენების განვითარებას ელოდებიან.

შოპაზადა მსხედლი ფორსილიანმა

ფეხბურთი ქალაქი გველი დალუპვას გადაარჩინა

ამერიკის არიზონის შტატში ფეხბურთი ქალაქი გველი ნაწილიდან გველი მოაშორა და ამით დალუპვას გადაარჩინა. ადგილობრივი ტელეარხის მიერ გაშუქებულმა მისმა ამ ქმედებამ ქალს სახელი გაუთქვა.

თაუნი რაუჩი მანქანით პროდუქტების მაღაზიიდან სახლში მიდი-



ოდა, როდესაც გზის სავალ ნაწილზე 1,8 მეტრი სიგრძის გველი შენიშნა.

— ასეთ დიდ გველს კარგა ხანია, არ შევხვედრივარ, — განაცხადა კომენტარში ფეხბურთი ქალბატონმა.

რაუჩი ავტომობილიდან გადმოვიდა, რათა ქვეწარმავლისთვის ფოტოსურათი გადაეღო. სწორედ მაშინ გაიფიქრა, რომ ის, შესაძლოა, სხვა მძღოლებს ვერ შენიშნავდა და შემთხვევით გაეცდინათ.

ქალმა გადაწყვიტა, გველი გადაერჩინა. მან მუხულის დახმარებით გველი დაიჭირა და სახლში წაიყვანა. შემდეგ კი ქვეწარმავალი წაიყვანეს უსაფრთხო მანძილზე და ბუნებაში გაუშვეს.

ვიდეომ, რომელზეც ასახულია, თუ როგორ ეხმარება ქალი გველს, სოციალურ ქსელებში დიდი პოპულარობა მოიპოვა. სოციალური ქსელების მომხმარებლები ქალის სიამაყემ და კეთილშობილურმა საქციელმა აღაფრთოვანა.

ლეოპარდმა ანტილოპა ტურისტების თვალწინ შეჭაბა

სამხრეთ აფრიკის კრიუგერის ეროვნულ პარკში მშვიდობა ლეოპარდმა დასისხლიანებული ანტილოპა-იმპალა თვითმხილველთა თვალწინ შეჭაბა. ამის ამსახველი ვიდეო იუთუბიში, პარკის არხზე გამოქვეყნდა.

აღნიშნული კადრები ადგილობრივ ტუროპერატორს ეკუთვნის ქალაქ დურბანიდან. ვიდეოჩანაწერში ჩანს, თუ როგორ ადის ხეზე ლეოპარდი და ტოტზე დაკიდებულ დასისხლიანებულ ანტილოპასთან მიდის. მტაცებელი ჯერ საგულდაგულოდ ათვალიერებს ნადავლს, შემდეგ კი მის გვერდით მოიკალათებს და ჭამს.

ვიდეოს შემდგომ კადრებში მტაცებელს ნადავლი კინალამ მინაზე ჩამოუვარდა, თუმცა დროულად მოასწრო, ეშვებით ჩაჰფრენოდა და ისევ ტოტზე აეთრია.

— ის ძალიან ძლიერია, ძალიან ძლიერი, — ისმის კადრს მიღმა თვითმხილველების კომენტარი.

შოპაზადა კანა ხატიაშვილმა



სანდრო მამუკელაშვილი ღრუბრზე დადგა

საქართველოს ნაკრების კალათბურთელი სანდრო მამუკელაშვილი ნაციონალური საკალათბურთო ასოციაციის ღრუბრზე დადგა და დიდი შანსი აქვს, დიდ კალათბურთში შეაღწიოს.

ნბა-მ დაადასტურა, რომ 2020 წლის ღრუბრზე 205 კალათბურთელი დადგა. მათგან 163 კოლეჯთა ლიგდანაა (ნცაა), 42 კი არაამერიკელია. სანდრო მამუკელაშვილი ამ შემთხვევაში ორივე მათგანს ეკუთვნის, მაგრამ კოლეჯიდან არის რეგისტრირებული. 20 წლის მამუკელაშვილი ნიუ იორკში დაიბადა, მაგრამ 2018 წელს საქართველოს მოქალაქეობა მიიღო და ჩვენი ქვეყნის ნაკრებში დებიუტიც ჰქონდა. რაც შეეხება ნცაა-ს, ჩვენებური სეტონ ჰოლში 2017 წლიდან ირიცხება.

ტრავმის გამო სანდროს აქამდე ჩატარებული სეზონის ნაწილი გაუცდა, ხოლო პანდემიის შემდეგ, როგორც ყველა, ისიც უქმობს, თუმცა სტატისტიკა ურიგო არ ჰქონია — 11.6 ქულა და 6.0 მოხსნა. გარდა ამისა, მამუკელაშვილი, რომელიც 211 სანტიმეტრია სიმაღლეში, ბრწყინვალე პროცენტით (44%) ისვრის სამქულიანებს. სანდროს შესახებ ბევრი გვისაუბრია და ძირითადად ამერიკულ მედიასზე დაყრდნობით, რადგან იქაური ჟურნალისტები მის პოტენციალს ხშირად ასხენებდნენ. ნელს სულაც ის ინერებოდა, რომ მამუკელაშვილს ნბა-ს რამდენიმე კლუბი აკვირდებოდა და ღრუბრზე დადგებოდა. ასეც მოხდა...

თუმცა, არის რამდენიმე დეტალი, რომლებსაც ჩვენებური აუცილებლად მიაქცევს ყურადღებას. საქმე ის არის, რომ ღრუბრზე მხოლოდ 60 კალათბურთელი შეირჩევა. თუ სანდრო ამ 60 კალათბურთელში ვერ მოხვდა, ნცაა-ში დაბრუნების უფლება აღარ ექნება. იქ კი მამუკელაშვილს



კიდევ 1 წელი დარჩა. ამიტომ, არის შანსი, რომ სანდრომ 3 ივნისამდე საკუთარი კანდიდატურა ღრუბრიდან მოხსნას.

არის მეორე ვარიანტიც: პანდემიის გამო ყველაფერი კითხვის ნიშნის ქვეშაა, მათ შორის ნბა-ს ღრუბრზეც და მისი გამართვის თარიღიც.

დაველოდოთ, როგორ განვითარდება მოვლენები...

შეგახსენებთ ყველა ქართველ კალათბურთელს, რომლებიც ნბა-ს ღრუბრზე იქნენ არჩეულნი:

1998 წელს ვლადიმერ სტეფანია სიეტლმა 27-ე ნომრად აიყვანა და გახდა პირველი ქართველი, რომელმაც ნბა-ში შეაბიჯა. ვოვას ცუდი კარიერა არ ჰქონია.

2002 წელს ნიკოლოზ ციტიშვილი გახდა ის ქართველი კალათბურთელი, რომელსაც ყველაზე მაღალი პიკი ერგო — 5. თუმცა ეს ნბა-ს ექსპერტებს დღემდე შეცდომად მიაჩნიათ. ციტიშვილი დენვერმა აიყვანა.

2003 წელს ორლანდომ ზაზა

ფაჩულია 42-ე ნომრად აიყვანა. საქართველოს ნაკრების ყოფილ კაპიტანს ოკეანის გაღმა ყველაზე მაგარი კარიერა გამოუვიდა. ჩვენებურმა 16 წელი ითამაშა ნბა-ში და 2 ოქროს ბეჭედიც მოიგო.

2004 წელს ღრუბრის 43-ე პიკად ვიქტორ სანიკიძე იდგა, რომელიც ატლანტამ აიყვანა და იმავე დღეს სან ანტონიოს გადაულოცა. ტესასელებმა ჩვენებური ევროპაში გამოუშვეს და უკან ალარ დაუბრუნებიათ.

8-წლიანი პაუზის შემდეგ ნბა-ში თორნიკე შენგელიამ შეაბიჯა, რომელიც ფილადელფიამ 54-ე ნომრად აიყვანა და ბრუკლინის სხვა კალათბურთელში გაუცვალა. თოკომ ძალიან ცოტა ითამაშა ოკეანის გაღმა და ევროპაში დაბრუნდა.

კიდევ 7 წლის შემდეგ გოგა ბითაძე გამოჩნდა, რომელიც გასულ წელს ინდიანამ მე-18 ნომრად აირჩია. ჩვენებური, ჯერჯერობით, ერთადერთია, რომელიც ყველაზე მაგარ საკალათბურთო ლიგაში ირჯება.

შეჩაღიწმა ესპანელების მოლოდინს გადააჭარბა



პანდემიის გამო შეჩერებული ესპანეთის საკალათბურთო ჩემპიონატიც, მაგრამ განახლების მოლოდინშია. პაუზის დროს ერთ-ერთმა ესპანურმა ვებგვერდმა შინაური პირველობის განვლილი ნაწილი შეაჯამა და სეზონის წინ განხორციელებული 10 ყველაზე გამართლებული ტრანსფერი ჩამოთვალა.

რჩეულია სიაში მოხვდნენ: ნიკოლა მიროტიჩი (ბარსელონა), ნიკოლას ბრუსინო (სარაგოსა), ონდრეი ბალვინი,

აქსელ ბუტელი (ორივე ბილბაო), პეირია ჰენრი (ბასკონია), მეტ კოსტელო (გრან კანარია), კლემენ პრეპელიჩი (ხუვენტუტი), დეიან კრავიჩი (ობრადოირო), მარსელიონი უერტასი და გიორგი შერმადანი (ორივე ტენერიფე).

აი, რას წერენ საქართველოს ნაკრების ცენტრზე:

— კუნძულები ქართველი კალათბურთელის ტრანსფერს იმედიანად უყურებდნენ, მაგრამ მან მოლოდინსაც კი გადააჭარბა. ამ დროისთვის შერმადინს დიდებული საშუალო მაჩვენებლები (18.3 ქულა, 7.1 მოხსნა) აქვს. მისი და ბრაზილიელი უერტასის დუეტი კი საოცრად შეთანხმებულად გამოიყურება და მათ ვერავინ აჩერებს. დიდწილად სწორედ მათი დამსახურებაა, რომ ტენერიფე როგორც შიდა, ასევე ევროპაპარებზე კარგ შედეგებს აჩვენებს.

შეგახსენებთ, რომ 31 წლის ქართველი კალათბურთელი ტენერიფეს გასულ ზაფხულს შეუერთდა და გუნდის ერთ-ერთ ლიდერადაც მოკლე პერიოდში იქცა.


ამ დროისთვის შეჩერებულ ესპანურ ლიგაში 23 ტურის შემდეგ იბეროსტარი 14 მოგებითა და 8 მარცხით მე-4 ადგილზეა, ფიბას ჩემპიონთა ლიგაში კი მერვედფინალში გასული, სადაც მეტოქედ ბელგიური ოოსტენდე ჰყავს. საერთო ანგარიში 1:1 არის, ფლეი ოფი კი 2 მოგებადგა.

ახოსვოხი ბ

შეუღალა: 1. ქალაქის თავი ჩხეთში; 2. ქართველი რაგბისტი; 3. სპეციალური სათხილამურო ფეხსაცმელი; 4. საფრანგეთის ნავსადგური ლა-მანშის სრუტეში; 5. საათის მექანიზმი; 11. ყვითელი ფერის დაბალი ხარისხის შაქარი; 12. ავსტრიელი ექიმი-ფსიქიატრი, ფსიქონალიზის ფუძემდებელი; 14. სქელი მურაბა; 16. ავსტრალიის დედაქალაქი; 17. სანადირო თოვით სასროლი მსხვილი საფანტი; 19. ხრტილოვანი გამონაზარდი მუხლის სახსარში; 21. ტვირთბრუნვით ყველაზე დიდი ნავსადგური ერაყში; 22. კვირა დღის ძველი ქართული სახელწოდება.

თარაზულა: 6. ჩხუბის, აყალმაცალის გამოწვევი ადამიანი; 7. უმაღლესი კატეგორიის დიპლომატი; 8. კოვბების შეჯიბრება; 9. ჯუზეპე ვერდის ოპერა; 10. მსოფლიოში ერთ-ერთი უდიდესი აუქციონი; 13. სპორტული თამაშის არბიტრი; 15. ასფალტზე სასრილო, გორგოლაჭიანი მოწყობილობა; 18. ძვირფასოვლებიანი ქალის თავსამკაული; 20. სოფელთა სახელწოდება ჩრდილო კავკასიაში; 21. მორის რაველის ცნობილი საორკესტრო ნაწარმოები; 23. უმაღლესი სასულიერო პირი მართლმადიდებელ ეკლესიაში; 24. ბრიტანული ყველი.

შეადგინა თეოპალეიშვილმა



წინა ნომერი გამოქვეყნებული კროსვორდების პასუხები:

კროსვორდი

შეუღალა: 1. ბატერფლი; 2. „დიუპონი“; 3. შეკელი; 4. მანგო; 5. ფლირტი; 11. გერინი; 12. აგურე; 14. ჯინი; 16. პროტონი; 17. ტყიბული; 19. ტროტილი; 21. სიდრი; 22. ფეტვი.

თარაზულა: 6. იამანიძე; 7. სტაპელი; 8. გურე; 9. ორფოლო; 10. ლარგო; 13. ბანჯო; 15. სპირიჩუელი; 18. ლიბრეტო; 20. ყუმბი; 21. სუდოკუ; 23. პიპერტონია; 24. ლაზერი.

კროსვორდი

შეუღალა: 1. შამპრიერი; 2. დესპანი; 3. ტონიკი; 4. კობა; 5. გლორია; 11. კარტი; 12. „სკონტო“; 14. ჯუთი; 16. რივიერა; 17. კოლხეთი; 19. კოროზია; 21. მასნე; 22. ტაქსა.

თარაზულა: 6. ვაპორეტო; 7. პრომილე; 8. ზვარე; 9. პრიზმა; 10. კონკა; 13. ბრიჯი; 15. არმსტრონგი; 18. სელტიკი; 20. ორლი; 21. მოპედი; 23. ბარმაქსიზი; 24. თოხანი.

სამგლოუიარო და მისალოსი განსხვავებები მიიღება
ბელ.: 599-532-690 — 12-დან 17 საათამდე

